

大清光緒三十年

本館新開禮拜外每日出論一
本館外埠均可函致本館取
閱如外埠閱報加寄費不
也除日本英德法各國官
惜工本從英德法各國官
刊印各樣單件並有英各
紙活字及各式花邊等國
體印字均工藝精巧有石
西文排印工藝精巧有石
印字大小機器均用精工刊

叻報

第千六百九十五號

印工總倫敦延有文士書
寫各體文字現由上海購
刊佈所有各項其書目另行
本館所登各項原稿其有
世道人心者附登其有謬
成文以及支離費解者概
登原稿須寫明里向不
將原稿收回也本館不
甲辰四月十六日

甲辰四月十六日

Printed and Published by See Ewe Lay 一拜禮號十三月五年四零百九千一英大 at No. 124-D, Cross Street, Singapore.

廣告文人 ○啟者本報玆欲聘請文士一人專主書寫石印一席其人必須精於會計及頗工書法者方能稱職
好者方能勝任如有不嫌俯就者請到本館寫字樓面商可也此佈 本館謹啟

招購菓園 ○啟者玆有菓園一所坐落東陵附近差館園中種有榴連 芒吃 紅毛丹 岩南
迷各種菓子如有欲為承購者請到本館面商可也此佈 本館告白

延請書記告白 ○啟者本館刻欲延請書記一名其人必須精於會計及頗工書法者方能稱職
如有欲承斯之者請來本館面商可也此佈 本館謹啟

論俄人招集馬賊為前隊

北地之有馬賊中國之蠱毒也其俗強悍好鬥素無恒業專以劫掠為生涯向者屢次跳梁雖經朝廷剿撫
兼施惟是窮奇變態頑性本屬四凶水固山體狡計時為百變不可思懷不可理諭殆天生一種蠻皮頑骨
故使之為世界中之虱將吮膏吸血以消一切戾氣極除之不能盡教懷之不能安其難馴若養鷹鷹則依
人飽則颺去其反噬若號虎志在得肉擇不擇主欲駕馭此種惟有羈縻之而已不得引為共事而望其緩
急可恃也乃者俄與日開疆隊泊於洪濤將軍鑒於雷炮不得已為棄海守陸之策而俄國內有革命黨之
內訌要隘防軍不敢調動且自俄都運兵至遠東道長糧價大費躊躇招募華人軍人不肯軍力單薄無奈
出於最下計驅驅虎狼藉多之屬若胡若捻若馬賊雖濫收入陸營中給其糧餉軍械使之建輪挾戟
自當一隊前馬賊頭目杜立山李林兩人應募入遼陽城李為華官所誅杜懼而出屯於去城七十里之小
北河近開小北河馬賊約二萬人皆著俄服其從李湖臣之賊一千人向著華服袖有三金線餉銀悉取給
於俄嗚呼俄之為此舉動之俄狡也而實則俄窘迫困苦張皇無措之現象何者以他人之皮肉膏血營極
猛極烈之炮彈縱馬賊全隊盡死於敵自俄視之如秦人不知越人之肥瘠一切痛癢麻木然不相關涉幸
而勝日彼則坐收其利害歸諸人功歸諸己狡執甚焉第俄豈不知馬賊之不可恃豈能必得馬賊之死力
亦安能保其不為敵人所誘倒戈攻俄且安知今日非貪食糧餉冀得一飽至於臨陣然後作鳥獸散抑豈
不自問已平時無恩於馬賊不足以使之同心圖報諸如此類皆必鑒之甚熟而竟貿然招募之供給之使
其國內略有可撥之兵必不出此故曰此俄國無可奈何之現象也噫嘻禍結於外而不可殲力殲於內而
不能充點驢之技已窮極鹿之險立見幸而日本亦強弩之末不穿疊繆故得勉強支持此正所謂說韓信
所謂智勇俱困之時也天假此機以勦強敵想陵殺氣互相剪滅天道好旋安知非藉此以報甲午庚子之
役為中國一洩恨氣乎時哉時哉弗可失願中國勉而圖之其勿以挫衄之餘餒而不振俾五洲之大笑中
國為懦夫也 錄漳泉日報

諭旨恭錄

○四月初三日內閣抄奉 上諭岑春煊奏線人冒賞越界誘人謀殺官弁瞻徇分別
懲處等語廣東水師提標前營右哨千總儘先守備何維宗亦溪協右營右哨千總儘先守備林瑞儘先千
總方國興與蘇珍劉金錢已故把總朱昌均著即行革職廣東水師提督何長清失於察覺着開缺以示懲
儆餘着照所議辦理該部知道欽此○軍機大臣面奉 諭旨嗣後遇有親見日期各衙門毋庸加班奏事
欽此○初四日內閣抄奉 旨准安關監督仍著恒安接督欽此○初五日內閣抄奉 上諭廣東水師提
督着葉祖珪補授所遺浙江温州鎮總兵員缺著任永清補授欽此○初六日奉 上諭本日引見之開復
山東候補道丁達意着准其開復原官銜仍留原省補用並交軍機處存記欽此
香港專電 ○本坡浮里不來西報接到十三日香港發來專電云十二日金州南山已為日軍攻
破當初八日有俄軍一萬五千名由遼陽海城拔隊進攻鳳凰城不意行抵大東嶺猝被日本伏兵三萬名
截擊俄軍敗走陣亡四十名降者一千名至於日軍死傷若干全未道及日本第二隊大軍已過小燕溝云
同日香港專電云日軍驟見俄軍駐紮距牛莊三十英里之堂子地方由大西河至蓋州之火車橋架已
被俄軍收去現在木蘭之俄軍以船為橋渡至望鄉子地方刻下不但金州及南山已被日軍所佔旅順北
方之炮臺亦被日軍佔據云

俄日使務特電 ○本坡實得力太晤士西報接到十二日英京發來特電云自數日前日廷即已嚴禁船隻往來與前者連軍前赴遼東之時無異以是觀之誠必現在日本又欲再運大兵前往鴨綠江岸往遼東一帶又據各報稱船隻來皮子窩及大孤山每日均有日兵登岸刻下日軍又在葛蘭島建築兵房以便運兵前至該處登岸時暫為市繁云 按葛蘭島與金州皆屬遼東河對岸對峙左為大長山右即大連灣

同日英京特電云勞打電局駐牛莊及芝罘兩處探訪人于初十日致電回英時電中并未提及旅順俄軍四處出兵以拒日軍之事然而十一早人間旅順陸上炮聲隆隆云該電局駐芝罘探訪人致電回英云十一早日本戰船八艘炮攻旅順岸一點鐘之久然後止炮而去云又該電局駐牛莊探訪人致電回英云現在牛莊再為俄軍佔據該處商場仍舊如常貿易云 十三日英京特電云計至是日止俄廷共與德商購去常川德美巨大快輪船共四艘價值三十萬金磅者一艘二十萬金磅者兩艘十五萬金磅者一艘云 同日英京特電云英京太晤士報得接探訪人傳來確信云刻下俄國欲與夏仁丹國購買快船云 按日俄均在戰爭之時祇能向局外之國購買輪船為容購及戰艦此云確信吾猶未敢遽信也 同日英京特電云俄將古勞北京電報俄京云日軍共四萬名現在大集于鳳凰城派軍兩隊分道緩行全取道于東方及東南方向小燕進發頭隊日兵已于初八日進次小燕之南相距六英里山嶺之大道云 同日英京特電云邇來俄日兩軍不過畧有接仗此外并無大戰然而刻下得有令人駭異之風傳聞則中有一說謂營是日日軍已破金州惟是此事尚未得有確耗云 同日英京特電云勞打電局駐芝罘探訪人致電回英云日軍經已進次金州之北地名三十里堡俄軍竭力拒之初八日惡戰一場至于勝負之信尚未傳至云

俄事電音 ○本實得力太晤士西報接到十三日英京來電云英京實月達日報將其所接俄國管轄探訪人來函所言刊登於報惟是未署月日中有言及日前風傳俄國華梳省波蘭人陰圖背叛一節據謂當時俄官奉有上峰之命立將并未親聞之波人六百名一概治以絞首之罪又在拘獲士達省亦將波人多名解首人見摩士高有槍八十具乘夜半時派員押護出城又言俄國近緣東方爭戰之故商務農務甚屬凋敝明年五穀必大失收云 按大兵之後必有凶年誠非虛語良由兵事興則人工廢人工廢則物短而財亦絀勢本相因今者俄日兩國忿然以爭異日貽累之深終必有同心痛悔之一日也又按俄國不分皂白肆殺波蘭遺民坤何兒矮乃爾猶憶昔者北京不過仗斃一已國之亂民上海各西報即紛紛詰責然則俄國此次大殺俄人當較北京殺一亂民較甚未卜上海各西報仍敢如前置喙力斥俄非抑歐西諸大國有起而聲罪致討者否耳如日無之是以國之強弱而別理之是非恐素號文明之報或不出此

英俄交誼電音 ○本坡實得力太晤士西報接到十三日英京來電云新任駐俄京英公使夏靈士君已抵俄京經將國書呈遞俄廷復將英皇御書一函呈上俄皇因言英皇一心一德甚欲與俄永敦睦誼云

法埃交涉電音 ○本坡實得力太晤士西報接到十三日英京來電云法廷經將近與英國所訂新約及其往來文件刊登黃皮書中內有一函係法國外部大臣將訂約情形分告駐各國之公使及領事者其中言及埃及之事云我法國現在埃及債務之利權比之前者尤為穩固蓋因埃及所欠法人之國債股票雖使再歷數年亦不得更換以及續回云

戰事彙聞 ○俄將古勞北京將欲統兵退回哈爾濱以俟添兵前來故其行台設在火車之內車之兩端均有貯機器之車頭以便一遇日軍趕到即可開車逃往哈爾濱該將核計日軍來攻哈爾濱者約二十二萬五千名計歷六禮拜便可到境迨後俄兵又未遽退事因偵知日軍雖欲來攻旋已暫息之故也 前傳大連灣俄軍已將船澳碼頭一律毀去一節俄人力辨實無此事 日人刻亦力斥俄人不應亂放水雷浮沉海面全不顧及局外各國之商務云 俄國運船由大連灣載煤前往旅順中途為海底水雷擊傷 俄將古勞北京現與俄督阿力略塞夫意見不洽所有如何調撥水陸軍兵如何據守旅順之策均大不符云

秘勿交鋒 ○秘魯與勿刺兒兩國行將開仗各情已紀前報茲得舊金山來函云秘勿兩軍經已大戰一場歷三日三夜秘軍大敗陣亡二千餘名傷者尙不在內云

共祝千秋 ○西六月三號即華本月二十日為恭祝英今皇太子千秋之慶本坡公署銀行一律停辦公事以伸慶祝

何殊一夢 ○本坡國家冊報前一禮拜內坡中居民身故者共有二百八十一名口其中華男一百六十九名華婦三十八口共二百零七名口餘為他籍中有核症一起係屬男子云

革逐罷論 ○西五月廿七號本坡國家憲報云西五月十三號本國家定議將陳新一名永遠革逐出境一節至十五號國家再行核議已將此令收回云

本坡出入口貨物再續紀 ○茲將西去年本坡出入口貨數以及貨價分日續登于報以備參攷


大薯丕入口	十三七七八六	担	值銀六九六二八九	元	出口	十二四六七八	担	值銀八八四七三八	元
大薯粉入口	五二三三五	担	值銀二五七六〇二	元	出口	六一〇四八	担	值銀三三六四六三	元
大薯渣入口			值銀八三八二	元	出口			值銀二五六七	元

上 等 蜜 酒 發 售



啟者 諸君若
買白蜜酒及鳥
蜜酒必須覓此
狗標之蜜酒此
狗標蜜酒乃刊
一狗為記此酒
質美法良乃係
最上之品現在
坡中所沽鳥蜜
酒款式太多
諸君若有購此
狗標鳥蜜酒則
可保其為第一
美酒飲之甚為
有益一試便知
不謬也特此佈
聞
大英一千九百
零四年二月廿
二號
光緒三十年元
月初七日
代理人牙直里
有限公司謹啟

宜 呂 美 勃 灣 酒 發 售



啟者宜呂美之勃灣酒在坡中最高馳名
諸君若欲勃灣酒必須購此宜呂美者勿買
假冒之貨無論何人如有假冒宜呂美之勃
灣酒即時稟官嚴究并此廣告 諸君如欲

代 理 人 牙 直 里 有 限 公 司 謹 啟

購買此酒入口務必細為詳察幸勿誤買與
此庄畧為相似之勃灣酒以免受愚為要此
佈
大英一千九百零四年二月廿二號

敬者茲將由西一千九百零四年然花里月四號起每日及禮拜日火車開行及前到時刻開列

大英一千九百零四年正月二號

穆拉油男三百二十四名 女三百一十一口 共六百卅五名 印度男 四百廿一名 共女三百七十一口 共 五名
別種人男 九名 女 九口 共 十八名
總計男女 七百九十二名口 實得力三州府 共生男一千七百零五名 女一千六十九口

總計男女三千四百一十四名口

閩事五則 ○海澄訪友來函云本邑城中忽於近日被妖作祟日夜不寧家中器物能騰空自行牆上花盆飛墜庭中即箱篋亦有時火發門戶自啟自閉沙石亂擲但不傷人初僅王氏一家今竟延及隣右五六家數年前周孝廉耀青住宅被妖之狀大約與此相同故說者多謂此乃江湖中術士藉邪法以圖人財物非真妖也現王姓等思聘法官前來壓伏惟尚未得其人未知將來如何設法始得絕此妖風耳○山邑以孕戾氣所鍾必生怪物而目不給見耳不及聞之事不圖近亦有之泉郡南關外石獅下塔前鄉王某與妻結髮多年王膝下尚虛昨聞其妻懷孕期滿適逢臨產之際忽舉一男遍身皆黑頭生雙角胸前現一人頭五官皆備一室駭然其夫急為溺死而眾譁嘩然現乘溝壑中行道者蟻集聚觀共為搖頭咋舌莫解云○醫為生死關頭至與並前論無恆固甚不可近世之良材以廈地醫士計之不卜百餘人之多叩其底蘊大都一知半解於靈樞素問等書實未嘗研究故求其藥到病除功同良相者殊難其人頃聞黎觀察為民請命痛訴庸醫誤人為害甚鉅擬畧仿西法要將榕林作醫院召集醫會考必於此道三折肱方許問世否則當改別業不得仍舊懸壺為人中蠱賊噫此法若得舉行將來貧富靈以餬口者應必爭自濯磨其造福閭閻非淺鮮也○禾山湖裡社楊某自少往呂宋掌通商之會計每月薪金頗厚未十年所獲朱提約有萬餘兩因念致富不歸故鄉無異衣錦夜行客臘某日買舟回梓嘗以子評請教術士據星者告之曰君命固佳然現運值逢梟恐或多病無已則常揮霍多少項自有轉機楊聞其言信以為然嗣後凡遇貧窮必極力週恤有斂埋無資者則給之諸如此類皆無一毫吝色噫命由心造善則盡人可為若楊之揮金以祈安全者良有以也○石鎮街道狹窄穢氣薰蒸前歲雖經賴司馬設法清理奈所募費工始勤終惰致各舖皆不願捐資未幾汚泥依然滿道本年三月初起疫氣復發彭南刺民瘼在抱思銷疫妙法莫善於街道潔淨近日邀令各董出為籌捐清理業經沿街傳諭各董事如能實力舉辦想雖小民念切平安應無不踴躍樂從者也

惠州鉅劫 ○友人來函云前月廿五日有徐芳船由惠州開行載有綢緞雜貨計值約七八萬兩廿八日泊丹派尾灣其地距惠州約百里是夜被土匪搶掠一空計潮州幫失貨約值五萬餘嘉屬與寧幫失貨約值六千餘兩其餘情形尚未查悉云

西關劫案 ○去月廿九晚十二點半鐘西門外宜民市連桂里賀姓等十九家被劫已通稟在家羊城報訪事前往探視該被劫之家門房俱被撞破據坊人言是夜賊匪皆短衣革履身掛九龍袋滿貯快鎗碼約共百人內有八九人面塗五色附近彩橋廟廠先被嚇禁聲張附近太保廟駐札之續備軍聞警馳至開口被匪阻不得進勇等乘機退去已而草場汛弁劉千戎九泉親督汛兵而進斃匪一名卒以眾寡不敵為匪所傷匪去後遺下布袋兩個有某村某記字號云當由草場勇丁赴縣稟報傳明府據稟親督書役前往履勘矣按此事據訪人言被劫者十九家據稟報則云九家未知孰是

鐵路組織 ○潮汕鐵路開局之後連日躋堂拜賀者甚眾聞得張京卿擬於四月初六日宴各國領事初七日宴各官場初八日宴各紳商以聯聲氣以集廣益云○又聞設局於第一津其地稍隘蕭珊觀察擬自借府第以為辦公之所其規模頗為宏敞云

危哉湖南 ○警鐘報云昨日有日人小田氏突至本埠泰安棧詰問湖南人某君曰龍兆霖至上海未 近湖南遊東學生屯聚于泰安棧故日人就處探問龍耗 某君曰汝問龍兆霖何為小田曰有約某君曰約何事小田曰以購湖南礦事言時頗作驚駭之狀謂龍兆霖約我至上海簽何故我至而彼仍未至某君憤甚與之爭曰龍兆霖者湖南人毫無重輕之人何得以全省關係之事與之私自交涉小田曰龍兆霖不過著名第一耳其大張祖同孔憲教王先謙葉德輝共五人等湖南全省之大紳皆在何得謂私自交涉言畢悻悻而出由是觀之湖南全省之土地全省之性命財產悉由龍張四五劣紳之手盡數賣與外人推日人小田之情形則其于美于德于法各強國更可知矣湖南之亡其不五稔

願學曹瞞 ○澳門訪員來函云裴景福之案沈守及姚劉二人抵澳後偕通事葡人往大炮台見裴犯沈守云以足下一人而累及我等皆撤任今玆之來實欲足下回省以了此案裴云我並未嘗有罪不滿岑督誣我耳我此次竊死於澳門誓不返省也沈云足下如不返省弟之被撤無甚緊要但劉令以足下之故而至於罷官且渠歷任各缺皆極清苦已虧累萬分又重以母老家貧而足下係歸劉看管彼既無以對上司勢不能不累及性命若劉令有意外彼之母亦必不保豈不是因一人而牽數命乎蓋三思之裴又云我知我不回省君等必不了事但我決意守曹阿瞞之宗旨使便我負人勿使人負我就有人命亦是難言沈守等見其出言倔強不復與語刻尚未堂訊俟遲日有問再錄又裴前上大炮台後即有某律師之家人代往三巴門買彈弓床一張昇往臺上俾得睡臥俗語云錢可以通神不其然乎
虎帳談兵 ○據精通遠東地勢之某武員云世人所傳俄國防備旅順消息多失其實有謂椅子山炮台之背面防備十分完備者是更不解軍事為何物也查椅子山炮台距旅順市街僅十餘里倘日軍一旦至彼該處俄兵雖築金城鐵壁亦不能支也旅順金州之間約駐有

俄兵二萬名如此大軍猶不能開展區區十餘里區域之內其他更無待言俄兵又於隔斷大連灣金州灣十餘里之陸上大施工事以爲旅順左近之防備蓋金州西南六里與南一百八十里之間有柳樹屯之道路此處倘失則旅順必不能保故俄最爲注目於此因是處失守若欲乘民船過往復州又恐日軍進至椅子山左近則無可逃之路矣

日人急公

○自日俄宣戰以來日人克已奉公者不可勝數即以橫濱一埠而論三月十一日之時其獻納軍資者已達七萬六千一百九十二員三月之前各地之獻納軍資者更不遑枚舉而在外國商之日人或合百數十人而獻納軍資者亦甚多茲舉如左在保多冷多之日人一百四十四名其納軍資五千二百八十二員八十三員在美國之日人一百零五人共納軍資一千八百零九員九錢在美國哇新當州哇疾卡之日本工人共二十名其納軍資六百弗韓國羣山之日人廿六名共納軍資二百九十六員嗚呼區區三島之日本乃雄飛宇內壓倒強俄其賴有是民哉

忘身衛友

○穆拉浦人亞汪在巴實班讓築室而居日恒結侶到石叻門倚岸垂綸得魚換酒生涯雖小亦居然烟水幽人荷之風波便饒逸趣十四午後復垂釣於海濱至六點後鐘時汪因渴飲魚來捧酒水中竟不復起其友加勿見水拯之汪已彼岸重登得不致葬身波底不意突有鱷魚一尾逐浪而來其時加勿仍在水中致被噬其左肢加勿急掙脫然一塊肉已飽魚腹血流被踵矣汪扶起捕房報悉前情轉送醫院施治或聞加勿拯之故幾致喪身魚口事後追思加勿能勿悔乎記者曰不然蓋屬苦吟爲容坐視股爲魚噉事實出諸意中人推行吾心之所安斯已矣急友之難違計其他嗟乎友道凌夷至今爲甚焉不特忘身衛友者轉出自番族之漁人士夫中車笠盟寒甚且投井下石者聞之能勿羞殺

水逝花飄

○十三日某巡捕在加籠布靈檢獲可食華人屍首一具交醫察驗 十四早差在雙雅羽我獲一孩屍未卜誰家一塊肉殤即棄之耳 潮姬許李氏居芳林基老病侵尋想已無心嗟世十四夜自以鎖匙成串交與伊孫許芳貴入室雖經孫報捕房領屍棺葬 粵人梁周居吉靈街日在街頭賣菓竟活亦江湖上異樣生涯也昨警署中報醫驗明係因小便不通而死豈能果不自醫歟抑江湖中固無真本領者在歟 日昨某差查知一華人有衫褲懸于府署後廁所中交醫候驗生飽木柳味死爲無補公是亦可憐可笑者

因風索賄

○閩人陳容居松柏街門牌三十號近以紅雲土臉形頗麻瘋一日有某巡捕偕一吉寧人踵門謂陳曰觀子之面非瘋似瘋其殆先儒以爲癲者近是苟不立獻洋佛甘甘使某得以所寄供養某當將汝捉將官去自必交醫察驗決不危乎時陳懼甚如數給之兩人乃去厥後陳心悔極急以前情往報一號捕房總辦調集各捕房巡捕使之暫認陳指第五百四十八號者曰某在斯矣總辦即將該差扣留并派三十三號暗差將該吉寧人名百里某一同拘獲控之於案本日府訊展交兩太守會鞫是否屬實自不難水落石出也按 華醫有壁瘋之藥能使殘疾者五官手足化臭腐爲神奇未卜巡差見之亦能辨別而執之否

非槍即偷

○粵人黃東福十四夜九點後鐘道行二馬路被全籍布亞丹搶去銀仙共二元黃呼暗差趕來拘布控究 粵人黃四十四早在丹戎巴葛補爐廠中私毀全伴蘇勝之箱竊去鐵櫃一柄被蘇勝鳴捕拘之 十五早十點鐘時閩人朱一黃潛入小東陵叻產閩人陳坤香之廳事中竊去銅燭台一具計值洋銀九元屋中人見而鳴捕拘朱候控 十五夜八點鐘時粵人陳東潛入域多利街穆拉油人馬夏勿屋中破門入內竊去衣箱一具馬呼差至將陳拿究

烟難漏網

○連日私烟之案均有所聞走漏之難於斯可見不意昨午又有高州人黃友來自汕頭自僱小舟渡登彼岸駛至然申碼頭海面被烟碼巡丁及三畫差登舟盤出私烟兩盒烟灰一包執黃控究本日府訊查黃所帶私烟值銀九元烟灰值銀七元府憲半黃罰銀三十元示警

離異聲明

念僕黃書德居住新加坡亞棉里安實得力門牌二十零七號自丁酉年九月初八日聘娶叻婦翁氏金枝爲妻自是以來不守婦道僕時時好言相勸他半語不聽實無法可治誰料今歲四月初十晚六點鐘無故持磚並生旺聚榔擲擲邊以致鄰右來問是非使僕無言可答故薄言相聞到十二日僕不在家婦自已携他衣服一概之物逃出不歸僕想此婦尋他回來亦是無益非吾薄倖不如一筆兩休茲特登報聲明從此翁金枝已非黃書德之婦如有在外與人揭借惟經手是問與吾黃書德無干先此聲明以免後論

憲

大英欽命新嘉坡輔政使司 爲招人投票事照得本國家現欲招人入票承充工役爲此示仰商民人等一體知悉汝等有欲承充工役者其票當于西一千九百零四年閏月四號即華四月二十一日中午以前投交本署以憑選擇茲將所作之工開列
在峇厘實知亞路修理考槍之槍靶
如欲知其詳細及觀圖式者每日辦公之時可向營造司署大才副查詢及取閱凡投票者其票外必須寫明投交本署承充該工字樣并向營造司署大才副取討印便之票筒照式填寫方能合用至於棄取之權任由國家核奪各宜踴躍慎毋觀望特示
大英一千九百零四年五月廿七號

黃書德謹啓

分拆生理聲明 ○啟者東陵路第五十一號牌門永發號生理原係張松汪思兩人開創有年後已交與張松汪思兩人名下承管遺業又在該路第七十六號門牌增設永發棧生理損益均沾至去年四月張松汪思兩人將其生理分拆經已將永發號歸與張松汪思兩人名下承管遺業從此各自營生兩不相涉恐未週知特此佈聞
光緒三十年四月十二日 永發號謹啟

精製印稿墨水發售 ○啟者西人修函必印底稿欲免錯悞遺忘之弊誠善法也然而所用印稿墨水寫字必須振筆疾書稍一遲留便防撇畫過濃致有墨痕外逸印成函稿亦復難免模糊有此弊端仍屬美中不足茲有格致之士新製印稿墨水一種所書函札印存底稿均無濃痕漏出之嫌確能隨筆所書一絲不走似此盡善盡美足徵利用無窮近將此種墨水寄託本館為之代售今特廣為傳佈藉擴銷場加以物美價廉一試便知其妙矣此佈
大英一千九百零四年四月廿九號 本館謹啟

生死之關係 ○大英國名醫戴利和先生云夫人生之病痛皆以肝胆為主肝病則頭痛頭眩風濕骨痛口出臭味飲食不消及生痔瘡頸癭等症如胆病則面白血弱胃腸結滯諸病叢生婦女則月經不調及經前經後腹痛等症如有是症不早調治待症深之日生死之際欲治不得可不痛哉可不慎哉即華人所謂須未雨而綢繆勿臨渴而掘井之意相全故每見頭痛鼻流頸癭耳鳴痔瘡腸癰結血竭及夜不成寐之時則須即服戴利和先生所製肝胆補丸專治人心肝胆之痛無不應驗如喇請試一罇則知其妙即婦女月經不調腰間作痛亦可服食○服法 每晚臨睡時可服二九以水或湯送下腸結滯多日者可服四九小兒五歲以上者可服一九五歲以下者則服半九 ○每罇價銀七角半 買上一打九折
大英一千九百零三年十二月一號 南洋總代理人新嘉坡土庫街門牌十四號孟嘉大藥房發售

有棧招租 ○茲有棧房二間在甘光西貢地方門牌七十三號七十四號合意請到敝墊枋路頭恒春公司二樓商之便妥此佈
光緒三十年四月初四日 邱得松告白

買賣聲明 ○敬啟 諸商翁知悉自茲以往凡本號欲採貨件 諸商翁須認明本號平時買賣之人方可許兌領貨之時又須認明本號兌貨正印并紅毛字花號方可付領此佈
光緒三十年四月初四日 振裕號謹啟

新嘉坡工部局招人承買自來火局之烏油告白 ○啟者茲本局欲招人入票承買本局之自來火局中所出之烏油此油約有九百担承買之人當帶大桶前往梧槽本局之自來火局承領其運費等費當由承買之人自備其票簡外書明承買自來火局之烏油該票當於西一千九百零四年五月三十一號拜二即華四月十七日下午四點鐘以前送交本局以憑選擇此佈
大英一千九百零四年五月十九號 工部局理事人翳夫惹聯耶丕呂承命謹啟

代理火燭保險告白 ○啟者本兼武里公司現在與得蘭亞蘭得火燭保險公司及慈耶靈火燭保險公司及威麥急勿禮疊保火燭險公司代理保險各事 諸君有欲買保者請臨本公司面商便妥至于賠償之項極為快捷特此佈聞
大英一千九百零四年二月廿四號 代理人新嘉坡兼武里公司謹啟


慕娘公司告白
啟者本公司紐加蘭威實杞酒乃是烏白標頭及紅標頭 諸君欲購此酒者請到本公司採買可也其餘各處酒店均有發售請認標頭便不致誤此佈
大英一千九百零四年五月九號 慕娘公司謹啟



增聘主筆告白 ○啟者本報因欲增聘主筆一位務報務為此敬告 諸君倘有熟知時事而又不嫌屈才者或臨本報寫字樓面談或函達本報主人書明居址以便延聘均從其便此佈
光緒二十九年九月三十日 叻報謹啟

堅 固 鐵 櫥 發 售

啟者不解眾人何以專賣賤物以致錢銀被人偷竊茲有棉拿鐵櫥天下行銷最廣盜不能開火不能燬蓋因棉拿之鐵櫥乃用最堅之鐵製成與他家之鐵櫥用漆以誑鐵面者大不相同本公司內現有辦到此棉拿之鐵櫥大小皆備該鐵櫥在天下各銀行各洋行皆有購用而英京國



家購買此鐵櫥尤多且他處國家以及天潢貴冑亦多購用足見工精料美迥異尋常 諸君欲保無虞購之便知不謬也此佈

大英一千九百零四年二月廿二號

代理人牙直里有限公司謹啓

美 麥 萬 蘭 池 酒 發 客

啟者美麥萬蘭池酒乃在本坡行銷最久之標頭且屬上等美酒此酒之味未嘗一失少變 諸君凡經飲過者無不稱美此酒可保乃法國所



製之酒而且標頭經官注冊不准倣效 諸君有欲購飲者請認明標頭可也此佈

大英一千九百零四年二月廿二號

代理人牙直里有限公司謹啓